

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1962 del 30/06/2023

Traduzione in ladino

Vegn endrezà n coordinament di sic e elemenc Unesco en esser tel Trentin

I é tropes i sic e i elemenc del Trentin che à ciapà l recognosciment del Unesco, l Organizacion de la Nazions Unides per l'Educazion, la Scienza e la Cultura. L è stat recognosciù tant i gropes de monc dolomitics che fèsc pèrt de la Dolomites patrimonie de l'Umanità Unesco, recognosciment ciapà del 2009, che vèlch catedra de la Università scritta ites tel program Unesco Chairs. La Jonta provinzièla, co na delibera portèda dant dal vizepresident e assessor al ambient Mario Tonina, l à metù a jir n coordinament per favorir na colaborazion percacenta anter i desferenc setores de l'Aministrazion provinzièla e na sinergia maora anter la Provincia e i desferenc enc e istituzions touc ite, acioche la istituzions competentes a nivel nazionèl e internazionèl les se confronte. Coordena l projet l assessor Tonina, che l à la competenza sul projet "Dolomiti patrimonio UNESCO" (con delega del sorastant general del Dipartiment competent). Fèsc pèrt del projet dantaldut i raprezentanc di sogec enciarié che gestesc i sic e i elemenc che l é tel Trentin, recognosciui tel ambit di programes Unesco. L Servije Svilup Sostegnibol e raions stravardé l se tol su l lurier de canzelaria per l coordinament.

Aldidanché te la provinzia de Trent l é stat recognosciù dal Unesco chisc sic e elemenc:

- Dolomiti Dolomiten Dolomites Dolomits, scrites ite del 2009 te la lingia del Patrimonie mondièl Unesco;
- Sic preistorics con palafites te la cedena de la Èlpes, scrit ite del 2011 te la lingia del Patrimonie mondièl Unesco;
- Adamello Brenta, scrit ite del 2008 te la Rei mondièla di Geoparches Unesco;
- Resserva de Biosfera Èlpes Ledrensi e Judicaria de la Dolomites sul Garda, scritta ite del 2015 tel Program Unesco Man and Biosphere;
- Catedra Engineering for Human and Sustainable Development, Università di Studies de Trent, scritta ite del 2011 tel Program Unesco Chairs;
- Catedra on Anticipatory Systems Università di Studies de Trent, scritta ite del 2013 tel Program Unesco Chairs;
- Club Unesco de Trent, scrit ite del 2011 te la Federazin Talièna de la Sociazions e Club pre l Unesco.

Del 2021 l é stat portà dant la domana de recognosciment del Club per l Unesco de Lavaron Forteza Belvedere-Gschwent e Mont Zimbra.

Per chel che revèrda i sogec de riferiment per la gestion di bens Unesco, che l é sul teritorie provinzièl: la Provincia Autonoma de Trent per la Dolomites Unesco, gestida tras la Fondazione Dolomiti Dolomiten Dolomites Dolomitis Unesco de chela che la Provincia é sozio fondador; la Soraintendenza per i bens culturèl per la pèrt trentina di Sic preistorics con palafites te la cedena de la Èlpes; l Parch Naturèl Adamello Brenta per l Geoparch Adamello Brenta; l Bacino Imbrifero Montano (BIM) del Sarca per la Resserva de Biosfera de la Èlpes Ledrensi e Judicaria de la Dolomites sul Garda.

Per chel che revèrda la gestion de la Catedres Unesco e del Club Unesco, en esser te la provinzia de Trent, la realtèdes de referiment l'é i respetives enc e sociazions.

Vedù che tel Trentin l'é più sic e elemenc recognosciui con sie sogec per la promoziun e gestores, l'é vegnù fora l'oportunità de meter en esser n spazie de confront e riflascion en cont a la desferenta esperienzes, per meter a jir strategies dessema, e aer l met de lurèr fora projec duc a una. Chest coordinament l'é stat metù a jir en vender ai 16 de jugn da la Jonta, che per sia atività l'arà l didament da man de la Scola per l teritorie e l paesaje de TSM.

Traduzion di Servijes Linguistics e Culturèi del Comun general de Fascia

(cdt)